

علاقة الانسان بذنبه || سلسلة مجددون .. الحسن البصري || الشيخ

احمد جلال

احمد جلال

مول عرفت الله ربى اشرق النور بقلبي انا قلبي شروح حياتي. يا لسعدي السلام عليكم ورحمة الله وبركاته. اطلع قدام يلا. اطلع قدام يلا. هاني اطلع قدام اعوذ بالله السميع العليم من الشيطان الرجيم. بسم الله الرحمن الرحيم. الحمد لله رب العالمين والصلوة والسلام على اشرف المرسلين سيدنا محمد وعلى الله وصحبه - 00:00:00

صحابه ومن تاهم باحسان الى يوم الدين اما بعد. اه اليوم باذن الله تبارك وتعالى نكمل ما بدأناه في مدرسة التزكية اللي اسسها الامام الحسن نوصل رحمة الله عليه. واحنا النهاردة مع درس من اعظم واهم واطر الدروس المتعلقة بحياتنا. آآ درس العلماء كانوا دائما يقولوا ان ده - 00:00:40

من اعظم ما يدل على فقه الانسان. درس العلماء عدوه ربع العلم. اللي يتقن درس النهاردة بيقى اتقن كده ربع العلم بس انا قبل ما ابدأ الدرس انا فيه معي مفاجأة فمش عارف اخلي المفاجأة في اخر الدرس ولا اخلي مفاجأة في اول الدرس؟ رأيكم ايه - 00:01:00 في اول الدرس طيب معنا اخ نصراني عايز يشهر اسلامه هنا في المسجد. فببدأ بها وبعد كده ان شاء الله يعني نبدأ درس ان شاء الله الله المستعان. طيب دلوقتي ولا في الاخر؟ دلوقتي عشان بس يعني نعرف ان بيقى في بعض الناس سهلة عليها ان هي تسيب كل حاجة تسيب دين عاشت عليه طول عمر - 00:01:20

عمرها تسيب كل حاجة طالما الانسان منها عارف طريق الصح طرق اللي بيبدل على ربنا فببدأ بها. معنا اخونا هاني هو من قنا اللي جاي عايز يشهر اسلامه فقل كده يا هاني. قل اشهد ان لا الله الا الله. اشهد ان لا الله الا الله. واشهد ان محمدا عبده - 00:01:49 ورسوله. اشهد ان محمدا عبده ورسوله. آآ هاني اسلم بسبب انه شاف النبي في المنام. يعني لأ لحظة واحدة هنا. يعني هاني يسلم بسبب انه شاف النبي في المنام. وان النبي صلى الله عليه وسلم يعني خده من ايديه وخلاله يطوف حوالين الكعبة. هو ما يعرشش يعني ايه كعبه ولا يعرف - 00:02:09

اي شيء فبدأ يسأل بقى فالناس يعني سأل شيخ جنبه هناك في قنا فسأل الشیخ فالشیخ بفضل الله دله على على الاسلام وكده وبفضل الله يعني النهاردة اول مرة يشهر الاسلام بالنطق بالشهادتين. وان شاء الله باذن الله يعني بدءا من يوم السبت يعني هيدأ فيها باشهار الاسلام - 00:02:29

ان شاء الله آآ في القاهرة باذن الله عشان الورق الرسمي بتناعه. عايز تقول ايه يا هاني بس بسرعة طب بس انت معك دقة بالزبط. دقة بالزبط. عايز تقول لاخوانك ايه - 00:02:49

لا امسك الميكروفون ده وقول. طيب قل لهم. قل لهم آآ يعني آآ انت آآ يعني حبیت الاسلام بسم الله الرحمن الرحيم والصلوة والسلام على اشرف المرسلين. يا نهار ايض! ده انت شیخ يا ابني. ده انت شیخ - 00:03:04 قل يا هاني الله اکبر والعزة للإسلام. امين يا رب. امين يا رب. بسم الله الرحمن الرحيم. والصلوة والسلام على اشرف المرسلين على سيدنا محمد عليه وسلم سبحانه وتعالى قال لي - 00:03:24

المشكلة باسلام اشهد ان لا الله الا الله. واشهد ان سيدنا محمد رسول الله. اشهد ان لا الله واشهد ان سيدنا ونبينا محمد صلى الله عليه وسلم. ولن تعز عبده ورسوله. وانت - 00:04:13

محمد عبده ورسوله وشهاده ان لا الله الا الله شهد ان سيدنا محمد جزاك الله خيرا شكرنا يا هاني. جزاكم الله خيرا. ربنا يا رب يتم لك فرحتك كده ان شاء الله بالاشعار وتجدد بطاقةتك بقى ان شاء الله. انت قلت هتسمي نفسك محمد محمد - 00:04:40

محمد اسلام خلاص شال بقى هاني عطا الله وبقى محمد اسلام ان شاء الله. ربنا يا رب يتوب علينا زي ما تاب عليك كده بس تكون من الذنوب ان شاء الله. اللهم امين. آدرس النهاردة احبابي آآ متعلق بجزئية في غاية الالهامية اهتم بها اوي الحسن - 00:05:00

البصرا رحمة الله عليه. الجزئية دي هي جزئية علاقة الانسان بذنبه. وازاي الانسان يتخلص من هذا الذنب؟ عايز اقول بالبداية احبابي نقاط سريعة كده في بداية الدرس. سيدنا ابو الدرداء رضي الله عنه كان يقول من فقه الرجل ان يعلم متى يزداد ايمانه ومتى ينقص - 00:05:20

ومن فقه الرجل ان يعلم من اين يدخل اليه الشيطان. اعظم علم انك تكون دارس نفسك كوييس جدا. تعرف الشيطان بيخش لك منين انت ايمانك بيزاد وامتنى ايمانك بينقص من فقه الرجل ان يعلم نزغات الشيطان بتجي له منين؟ امتنى الشيطان بيتوس له؟ وكان الفضل الرقاشي يقول نظرت الى علوم - 00:05:40

فوجدت علم الناس ينتهي الى اربعة علوم. علم الناس بينتهي لاربع اشياء. اما الاول فهو ان يعلم من هو الله وهذا هو اعظم علم. ان الانسان مننا يعرف مين هو ربنا سبحانه وتعالى. العلم الثاني ان يعلم ماذا يريد - 00:06:04

الله منه انك تعرف ربنا سبحانه وتعالى ماذا يريد منك ثلاثة ان يعلم ماذا يصنع الله به ان اطاع وان عصى. انه يبقى عارف لو اطاع ربنا ربنا هيتعامل معه ازاي - 00:06:27

وازا عصى ربنا سبحانه وتعالى هيتعامل معه ازاي؟ واما العلم الرابع فهو ان يعلم كيف يخرج من يبقى الفضل الرقاشي بيقول ان العلوم عندنا بت分成 الى اربع اقسام اساسية كل واحد منهم بيوصل للثانية. اما العلم الاول فهو ان تعرف مين؟ ها - 00:06:43

ان تعرف من هو الله. تتعرف على الله عز وجل باسمائه وصفاته. سبحانه وتعالى. اتنين ان تعلم ماذا يريد الله بك تبقى عارف كوييس جدا ان ربنا سبحانه وتعالى ماذا يريد منك؟ ماذا يريد منك اذا صليت؟ ماذا يريد منك اذا اردت السجود؟ كيف - 00:07:05

فتتعامل معه اذا قرأت القرآن كيف تتعامل معه اذا خلوت؟ كيف تتعامل معه اذا سجست؟ كيف تتعامل معه في الشارع؟ كيف تتعامل معه في البيت؟ كيف اتعامل معه في المسجد ان تعلم ماذا يريد الله منك. ثلاثة ان تعلم ماذا يصنع الله بك ان اطعت او عصيت - 00:07:25

واطعـت ربنا سبحانه وتعالى كيف يتعامل معك. وازا عصـيت ربنا كيف يتعـامل معك. واما الرابـعة ان تـعرف كيف تـخرج من ذنبـك انـك لو اذـنت تـبقى اـنت عـارـف كـويـيس جـدا تـخـرج من ذـنـبـك دـه اـزـاي. دي العـلوم الـارـبـاعـة. الـامـام الحـسـن اـكـد قـوي عـلـى الجـزـئـيـة الـرـابـعـة - 00:07:45

على جزئية كيف تخرج من ذنبـك؟ وكيف تـتعـامل مع هذا الذـنـبـ؟ واـكـد لـنـا ايـضاـ كـيف يـتعـامل الله معـك اذا عـصـيت لـازـم نـفـهم كـويـيس جـدا يا اخـوانـي. يا اخـوانـي اـصـبـحـت الخـلـيقـة عـلـى ثـلـاثـة اـقـسـامـ. النـاسـ الانـ تـلـاثـ اـقـسـامـ. اـمـا - 00:08:05

الـاـولـ فهوـ الصـنـفـ الـذـي وـطـدـ نـفـسـهـ عـلـى الطـاعـةـ. مـفـارـقـاـ لـذـنـبـ. فـيهـ وـاحـدـ مـنـ الـبـشـرـ كـدـ خـلاـصـ وـطـنـ نـفـسـهـ عـلـى الطـاعـةـ. هـجـرـ الذـنـبـ وـتـرـكـهـ ماـ عـادـشـ خـلاـصـ ماـ عـادـشـ بـيـشـتهـيـ الذـنـبـ دـهـ. وـلـاـ عـاـيزـ يـقـرـبـ مـنـ الذـنـبـ دـهـ. فـهـذـاـ هوـ 00:08:25

الـبـارـ الـراـشـدـ وـاـمـاـ الثـانـيـ فـصـنـفـ يـذـنـبـ وـيـتـوبـ يـذـنـبـ وـيـنـدـمـ يـذـنـبـ وـيـطـبـعـ وـدـهـ الصـنـفـ بـتـاعـنـاـ كـلـنـاـ. وـهـذـاـ هوـ الصـنـفـ الـذـي يـخـافـ عـلـيـهـ وـيـرجـىـ لـهـ لـانـ عـنـدـ اـيـهـ؟ عـنـدـ رـصـيدـ مـنـ نـدـ 00:08:45

عنـدـ رـصـيدـ مـنـ تـوـبـةـ. عـنـدـ رـصـيدـ مـنـ بـكـاءـ بـيـدـيـ اللهـ عـزـ وـجـلـ وـلـكـنـ يـخـافـ عـلـيـهـ. لـانـهـ عـنـدـ بـرـضـوـ رـصـيدـ مـنـ ذـنـبـ وـاـمـاـ الصـنـفـ الـثـالـثـ وـالـعـيـاذـ بـالـلـهـ فـهـوـ مـنـ وـطـنـ نـفـسـهـ فـيـ اـرـضـ الـمـعـصـيـةـ. لـاـ يـرـيدـ اـنـ يـفـارـقـهاـ بـلـ هـوـ دـاعـ لـهـ - 00:09:10

وـهـذـاـ وـالـعـيـاذـ بـالـلـهـ هـوـ الـحـائـدـ عـنـ طـرـيقـ الـجـنـةـ الـىـ طـرـيقـ النـارـ اـحـنـاـ النـهـارـدـهـ هـنـتـكـلـمـ يـاـ اـخـوانـيـ عـلـىـ الصـنـفـ الـوـسـطـانـيـ. الـلـيـ هـوـ الصـنـفـ بـتـاعـنـاـ الصـنـفـ الـلـيـ هـوـ اـيـهـ؟ عـنـدـ حـبـ لـربـنـاـ عـالـيـ اوـيـ. عـنـدـ اـحـسـاسـ مـنـ الـحـبـ وـالـشـوقـ الـىـ اللهـ عـالـيـ اوـيـ. وـلـكـنـ بـحـكـمـ اـنـ بـشـرـ - 00:09:31

بيذنب. انا النهاردة محتاج ان انا اعلمك حاجتين. اما الحاجة الاولانية ماذا يصنع الله بك ان عصيتك؟ لما تعصي ممكناً يعمر معك ايه؟
واما الامر الثاني كيف المخرج؟ اخرج ازاي من هذا الذنب؟ ازاي اخرج من هذا الذنب؟ اما الامر - 00:09:53

الاول فهو ماذا يصنع الله عز وجل بك ان عصيتك. حسن البصري كان دايماً في كلامه مع الناس بيحذر الناس من مغبة الذنب يقول لك
خد بالك انك وانت ماشي في الشارع لما عينيك بتروح للحرام ما بتعديش عند ربنا. خد بالك انك لما بتقعد بالليل على النت -
00:10:13

دخلت على حاجة حرام ما بتعديش عند ربنا سبحانه وتعالى. بل حتماً ولابد هتتعاقب فما تعرّض نفسك لعقوبة ربنا. السعيد مننا يا
اخواني اللي ما يعرض نفسه للبلاء. السعيد مننا يا اخواني اللي ما بيعرض نفسه دايماً لسخط الله. كان بعض السلف يقول -
00:10:37

قل اياك والاغترار بطول حلم الله عليك. اوعي في يوم من الايام تفتر ان ربنا حليم عليك. انك اذنست مرّة وعداها اذنست مرّة وسابك.
اذنست مرّة تالتة وسابك. اوعي تفتر. اياك والاغترار بطول حلم الله عليك. فان - 00:10:57
الله عز وجل قال في اقوام فلما اسفونا انتقمنا منهم فلما اسفونا انتقمنا منهم تتحملها تتحملها انا ارياً بنفسي وبكم ان الانسان من
يعرض نفسه لموطنه زي ده. ان الانسان يفتر بطول حلم الله عليه انا مش عايزك تكون كده. ولكن انا عايز الانسان مننا يا اخواني دايماً
- 00:11:17

يراجع نفسه. دايماً باصول لذنبه ويكون على يقين ان ممكناً في لحظة الذنب ينفجر فيه. يا اخواني انا دايماً بضرب لكم المثل ده يا
اخواني الذنوب بالنسبة لنا عبارة عن اه حقل الغام. مكتوب عليه من برة اوعي تخش - 00:11:45

ممنوع الاقتراب حقل الغام اللي هيخش هيتفجر. مشكلة الحقل ده يا اخواني انك مش شايف الالغام فين انت مش شايف اللغم فين
اللي هيتفجر فيك وما تعرفش اللغم ده كان مضاد للافراد فممكنا مسلاً يطير رجله ولا - 00:12:05
ايد ولا اللغم ده كان مضاد لدبابات بمجرد ما هتعدى عليه مش هيسيب فيك حته اصلاً. هي دي مشكلة الذنوب يا اخواني هي دي
مشكلة الذنوب يا اخواني. انك مش عارف الذنب لما بينفجر هيتفجر فيك فين - 00:12:25

والله يا اخواني ممكناً الذنب ده يهلك عليك دنيا ويهلك عليك اخرة ممكناً الذنب يهلك لك دنيتك ويهلك لك اخرتك. فتعالوا مع بعض
كده نأكد النهاردة على كلام الحسن البصري. وهو بيربي الناس بيقول لهم يا جماعة انا خايف - 00:12:42

يا جماعة انا حريص عليكم انا بحدركم الان من الذنوب. لان مغبة الذنوب مش سهلة. التجربة على الله مش التجربة على الله مش سهل.
فيبيقول لنا الحسن البصري ان ممكناً الذنب لما ينفجر يضيع عليك طاعتك. انا عايز اسألك سؤال - 00:12:59

وبيّن نفسك بالله عليك كم مرة صلاة فجر راحت منك؟ بالله عليك كم مرة قيام ليل راح منك؟ بالله عليك كم مرة بتبقى عايز تقوم
صلوة الفريضة في المسجد ومش قادر. بالله عليك - 00:13:19

كم مرة بتبقى عايز تيجي الدرس وصعب؟ بالله عليك كم مرة عايز تصوم والصبح ريقك ينشف كده تقوم تفطر؟ كم مرة حصل؟ اللي
حصل ان الحسن البصري الان بيوسس بيقول لك ان ممكناً اللغم ده لما ينفجر هيتفجر عندك في طاعتك انت. هيتفجر عندك في
طاعتك - 00:13:34

يكون حائل بينك وبين الطاعة. قيل للحسن جاءه رجل وقال يا امام اعياني قيام الليل. انا مش قادر اقوم اصلي خلق قيام ليل مش
قدار اقوم اصلي الفجر. مش قادر اقوم اروح الدرس. عايز انزل الدرس. انا عارف النهاردة الجمعة درس الدكتور حازم. او السبت درس
الدكتور - 00:13:54

عبدالرحمن عايز انزل ومش قادر. اعياني اعياني قيام الليل. مش قادر مش قادر اقوم لقيام الليل. فقال له الحسن يا ابن
يا اخي استغفر الله وتب اليه. شف التأصيل بقى في مدرسة التزكية. فقال له يا ابن اخي استغفر الله وتب اليه. فانها - 00:14:14
علامة سوء اللي انت بتقوله ده علامه سوء الناس اللي بتضيع صلاة الفجر دي علامه سوء. الناس اللي بتضيع قيام الليل بيعدي عليها
ليلة والثانية والتالثة علامه ف قال يا ابن اخي استغفر الله وتب اليه. ففتح له الباب. بس وقفه حقيقة على خطورة المصيبة اللي هو فيها.

هذه عالمة سوء انك مش قادر تقوم تصلي قيام ليل دي عالمة سوء. فانها عالمة سوء. واعلمت ان الرجل ليذنب الذنب فيحرم به قيام الليل. العبد بيذنب ذنب يتحرم به قيام ليلة. عرفتم احنا ليه ما بنقمش نصلی قيام ليل - 00:14:56

عرفتم احنا ليه صعب علينا دلوقتي نرجع للدروس تاني ؟ عرفتم ليه النهاردة بتبقى قايم عايز تصوم لان السنة في رجب انك تكتر من الصيام مش قادر تصوم يدوبك صليت الفجر ويبيجي الشيطان يقول لك انت عطشان وتعبان والجو حر ما انتاش قادر تصوم. عرفت ليه ؟ هي النقطة هنا ان ذنب لما انفجر - 00:15:16

الفجر في طاعتكم. اخطر من كده يا اخواني ودي مشكلة واقعة. احنا كلنا واقعين فيها. مشكلة ان انا ممكن الذنب مش هينفجر في الطاعة الذنب هيحرمك من حلاوة الطاعة. زمان يا اخواني احنا كنا بنصلی وبنعيط. زمان يا اخواني احنا كنا بنحضر الدرس واحنا - 00:15:37

فرحانين زمان يا اخواني انا انا كان بالنسبة لي الصيام ده متعتي. ما عدتش باجي للمتعة دي زمان كنت لما اقرأ القرآن اقعد اعيط اعيط. امسك المصحف كده واحضنه وابوسه كده ابقي فرحان بالقرآن. انت دلوقتي مش حاسس - 00:15:57

باللذة دي واكتر اسئلتكم كده صح ؟ مش ده الواقع ؟ مش ده واقعنا ؟ الحسن البصري كان بيداوي لنا ايه يا دي فيبيقول لنا ايه مرض البدن سقمه ومرض القلب ذنبه وكما ان مريض البدن لا يتذوق الطعام فكذلك مريض - 00:16:15

القلب لا يتذوق حلاوة الطاعة عارف الانسان مننا لما يكون تعبان تقدم له اشهى اكل تقول له هارأيك ايه في الاكل ؟ يقول لك والله مش واجد له طعم خالص مش لي نفس - 00:16:44

ولو اكل كده يقول لك والله ده حتى الاكل في بقى ماسخ صح ما هو ده مرض البدن الحسن بيقول بقى مشكلة مرض القلب مشكلة الذنب لما بينفجر في جزئية زي دي بيضيع عليك حلاوة الطاعة. الحلاوة بتاعة - 00:16:58

الخشوع بقى ان انت واقف كده وحاسن الایات كده يعني لها وقع عالي قوي على قلبك فقدته قيام الليل كنت زمان كده ان شاء الله بتصلی مبسوط وفرحان وسعيد تقبيل. زمان كنت بتدور - 00:17:16

وفي رمضان على على مسجد بيقرأ بجزء علشان تقف كده وتبقى فرحان انك واقف بقت تقيلة اوي عليك العبادة مش حاسس بطعمها لانه انفجر هنا الذنب لما انفجر انفجر هنا. انك تضيع عليك الحلاوة - 00:17:37

انك تضيع عليك الحلاوة دي. حلاوة الطاعة. فكان يقول كما انه لا يجد الجسد السقيم مذاق الطعام فان القلب السقيم لا يجد حلاوة الطاعة مش بقول لك ابن الحسن البصري بيقول لك دلوقتي خد بالك انا اتكلمت معك عن القرآن اتكلمت معك عن ان يوم القيمة بيبقى دايما بين عينيك. انا دلوقتي بقول لك خد بالك من ذنبك بقى. خد - 00:17:54

بالك من معصيك ان هي لما بتتفجر انت مشكلتك انك مش عارف هتنفجر فين. ممكن ما هو اخطر من ذلك ان الذنب يا اخواني لما بييجي لما بييجي والعياذ بالله ينفجر مسلا ايه مش في حلاوة الطاعة في حلاوة الدنيا كلها - 00:18:20

كل حاجة بالنسبة لك بقى طعمها مر. كل حاجة بالنسبة لك بقت خنقة. كل حاجة بالنسبة لك انت مش طايقها اصلا يا نهار ابيض ! المكان اللي انت كنت بتخرج تتفسح فيه مع زمايلك مع اخوانك ما انتش طايقه. زمان كنت بتحضر درس علشان تقابل اخوانك وتبقى فرحان - 00:18:39

ها انت ما عدتش واجد الحلاوة دي ولا الفرحة دي. زمان حتى لو كنت متزوج انت زوجتك دي سعادتك قرة عينك. انت دلوقتي زوجتك دي فاتعاستك زمان اولادك كده كانوا هم اللي يفرحوك بقوا تعasse عليك - 00:18:59

ليه ؟ هو ذنبك لما انفجر انفجر في سعادتك. فما عدتش هتجد طعمها خلاص معونة الشتاجد حلوتها خلاص مش في الطاعة بس ، ده حتى في الحياة كمان زمان مسلا كنت تقول لوالدتك مسلا اعملي لي مسلا حالة محشي كنت بتتبسط او تتكييف اوي من حالة محشي. لأ دلوقتي خلاص لا محشي ولا غير محشي ما عدش للدنيا طعم اصلا - 00:19:17

عارف ليه ذنبك قال علي رضي الله عنه جزاء المعصية الوهن في العبادة. ضعف في العبادة. والضيق في المعيشة تعسر في اللذة وهم

ال العبادة معروف خلاص مش قادرین نصلی قیام. کنا بنصلی الخمس صلوات في المسجد بنصلی اتنین ثلاثة بس هنارک - 00:19:41
و هن العبادة معروف ضيق المعيشة معروف. حیاة ضنك ما فيش فلوس. تجري يمين و تجري شمال ما فيش فلوس. ولو فيه فلوس
الدنيا ضنكه تعليق و تعسر اللذة فقالوا له يا امير المؤمنين وما تعسر اللذة؟ فقال والله لا يأتي شهوة حلالا - 00:20:05
الا جاءه ما ينفصها عليه مش هيجب شهوة حلال الا اما يلاقي اللي واحد نط له كده ضيع عليه الشهوة الحال. اكل بقى شرب نساء
ای حاجة خلاص. ما عدش عنده خلاص. كل - 00:20:25

في حاجة انقفلت وشه. وقال الحسن وان الرجل ليعمل المعصية يرى بها ظلمة في دنياه يا نهار ابيض او قات بتيجي عليك او قات انت
تقول لي اقول لك اخبارك ايه تقول لي انا مخنو^{00:20:41}
وحشة ظلمة جوة القلب. ما انتاش طايق نفسك. مش طايق حد يكلمك. دخلت او هتك وقللت على نفسك ومش لا حد يكلمك ولا حد
يكلمني مش عايز اكلم مع حد. سيبووني كده^{00:20:59}

هي دي الزنب لما انفجر هنا في الجزئية دي ممکن الذنب يا اخوانی لما بینفجر انتبهوا والله لان الكلمات دي مش هتجدوها الا عند السلف. ممکن ذنبك لما ينفجر فيك ان ربنا - 00:21:13

سبحانه وتعالى يرفع عصمه عنك زمان كنت تيجي تعمل معصية نازل من البيت رايح تعمل معصية تقع على السلم رجليك تتكسر
تقعد في البيت اسيوعين ما تنزلش يحال بينك وبين المعصية - 00:21:32

زمان کنت تیجي تخش علی النت علشان تدور علی اي حاجة غلط صعب مش لاقی ما انتاش عارف ما نتاش لیه وما
نتاش عارف لیه ؟ اصل زمان کان دینا حافظك - 00:21:48

اصل زمان كان ربنا عاصمك اصل زمان انت كنت غالى عند ربنا. فكان بيوقف لك في طريقك بينك وبين المعصية الف حجر. علشان ما تقعش المعصية لما انت بقى تجرأت عليه اكتر خلاص شال كل العوائق العقبات اللي بينك وبين المعصية. مش انت عايزة المعصية؟
رح. تلاقي - 00:22:03

سبحان الله! الموضع هي اللي بتجي لك لحد عندك. تلاقي المعصية بقت ميسرة ومذلة لك. سبحان الله! البت اللي انت كتبت يعني
بتعمل كل المحاولات عشان توصل لها هي اللي بتتكلمك - 00:22:29

هي اللي بتكلمك ليه ؟ ما هو رفع ايده عنك رفع عصمته عنك. خلاص مش انت بتدور على المعصية؟ رح. قال
الحسن رحمة الله عليه والله لقد هانوا عليه فعصوه. لأنهم هانوا قوي عليه سابهم. فعصوه - 00:22:44
ولو عزوا عليه لعصمهم. لو كنت عزيز عند ربنا ما كانش يسر لك طريق المعصية والله يا اخوانى اخ بيقول لي انا نازل اعمل معصية.
والله وقعت من على السلم. رجل اتسسرت. قعدت اسبوعين - 00:23:11

فعرفت قد ايه انا غالبي عند ربنا. لانه حال بيبني وبين المعصية الثاني كل المعاصي ميسرة مذلة مسخرة له. فعشان كده الحسن بيأكـد على المعنى ده يا أخوانـي يا أحبـائي يا ولـاد - 00:23:31

افهموا هانوا عليه فعصوه ولو عزوا عليه لعصمهم. قال ابن السمак والله لقد امهلهم ده هو في اول مرة لما هم اذنبو امهلهم
ادى لهم فرصة يرجعوا ارجعوا ارجع تب. معلش ان كنت وقعت في ذنب فكلبني ادم خطاء ارجع له تاني - 00:23:46
لا لا لا ده ركب ذنب تاني لا لا ده دك بذنب ثالث. ده لك بذنب رابع في الخامس. في السادس في السابع. فابن السماك بيقول رحمة
الله عليه وده كان امام - 00:24:11

الدنيا في النصح فكان يقول والله لقد امهلهم حتى اهملهم بالله عليك تهون عليك نفسك انك تصل لمرحلة زى دي والله لقد امهلهم سبهم مرة والثالثة عشان يرجعوا عشان يتوبوا. عشان يرجعوا تاني يقفوا على بابه ويقولوا له يا رب اخطأنا. يقول له

يا رب احنا خلاص بنعتذر الان بين ايديك احنا غلطانين فيقول لا خلاص هما عملوش كده والله لقد امهلهم حتى اهملهم تتحملها ان دينا يهملك تتحملها ان دينا يعرض عنك - 00:24:51

والله يا اخواني ما حد فينا يتحملها والله يا اخواني ما حد فينا يتحملها انا عايزك تتخييل معندي مثلا شاب مثلا معاك معندي مثلا ما بيشوفش او قاعد على كرسي متتحرك ما بيعرفش يتحرك - 00:25:11

وما بيقدرش يشتغل وكل يوم بيتنظر والده ووالدته آآ اللي بيجهزوا له الاكل وبيجهزوا له الشرب ويدخلوه الخلاء اعزكم الله 00:25:31

وبيحرکوه بالعجل مرة واحدة ووالده ووالدته قالوا له بص احنا نفضنا ايدينا منك. اخدم نفسك. طب ده ما بيتحرکش - 00:25:52
بالله عليكم حياته هتبقى عاملة ازاي ؟ ييجي يقوم يخش الخلاء يقع على وشه. الجوع خلاص بي بك من شدة

الجوع. ما حدش بيتعتنى به اخره هيموت انما انا عايز اقول لك شف حياته ممكن تكون عاملة ازاي لما اقرب الناس تتخلى عنه - 00:25:52

وانتم حياتك هتكون ازاي لما ربنا يتخلى عنك لما ربنا بعذته سبحانه يتخلى عنك قال ابن القيم رحمة الله عز وجل رحمة الله عليه
كان يقول كان يقول فما بالكم بجهة اعرض الله عنها - 00:26:17

فما بالكم بجهة اعرض الله عنها وان الله عز وجل اذا اعرض عن جهة اظلم فيها كل شيء خلاص ده الدنيا كلها سودا في وشه اظلم
فيها كل شيء. واحتاط بها الهموم من كل مكان - 00:26:35

تقدير كان منصور ابن عمار رحمة الله عليه بيأكيد على نفس المعنى. ان ممكن ذنبك لما بينفجر فيك ينفجر ان ربنا يسيبك يمهلك الى او
ربنا يعني عارف حديث النبي صلى الله عليه وسلم لما كان يقول ولا تكلني الى نفسي طرفة عين. اهو بقى ان ربنا يكلك لنفسك - 00:26:59

ان ربنا سبحانه وتعالى يكلك الى نفسك فكان منصور ابن عمار رحمة الله عليه يقول لا يقل احدكم خلوت بالذنب ولكن والله لقد خلي
بينك وبينك. اوعي في يوم من الايام تقول - 00:27:27

انت خلوت بالذنب بفلاؤتك لا والله. ده لانه رفع ايده عنك انت ضعفت. فممكنت الذنب لما ينفجر يا اخواني فاكر ان ربنا سبحانه وتعالى
يرفع عصمه عنك. فتلائقك عمال تخرج من ذنب لذنب ومن معصية لمعصية. ويظل هذا حاله - 00:27:41

علشان كده كان حماد بن زيد رحمة الله عليه يقول ودي يا اخواني من اخطر واسوء واسود عقوبات ذنب وده من اشد انواع الذنوب
انفجارا. وده من اشد انواع الذنوب انفجارا - 00:28:01

اللي بيصدق عليه كلمة ابن القيم كما كان يقول الذنوب بجراحات ممكن واحد يتخرish. ورب جرح وقع في مقتل. خلاص اصل ده
ضاع ده بقى خلاص. يقول لك ده ضربه في مقتل موته. الذنوب نفس الكلام. ممكن الجرح يبقى انفجاره بسيط سهل يعدي. انما في -
00:28:21

لو لو في ذنب لو انفجر فيك صدقني ضاعت دينتك وضاعت اخرتك عشان كده الحسن بياصل في مدرسة التزكية. يا اخواني احذروا
الذنوب. حسن رحمة الله كان حماد بن زيد يقول يا اخواني ليست - 00:28:41

انا بسواه في الوجه مش معننى ان انسان عصى ربنا وربنا لعن الانسان ده ان اللعنة دي تكون في وش الانسان. يا اخواني ليست اللعنة
بسواه في الوجه ولكن اللعنة الا تترك زنب الا وقد دخلت في اخر. هي دي اللعنة. هي دي اللعنة - 00:28:58

الله واياكم منها انك تسبيب الزنب الصغير تطلع لله اكبر منه. وتسبب ده تطلع لله اكبر وده يظل حال الانسان حتى
ليخرج من الدين كلية. كان بسبب ذنب - 00:29:20

كان بسبب ذنب بسيط. بدأ بنظرة حبها قابها. اتوعدوا قالت له اجي لك البيت. فتح الباب لقاها قدام ما تملکش نفسه نزل سجد لها
مات. نزل سجد لها مات ما قدرش يقاوم الجمال الفتان ده. نزل سجد مات وهو كده. عشان كده كانوا العلماء يقولون والمعاصي بزيد
الكفر - 00:29:38

كما ان نظرة بزيد الزنا المعاصي بزيد الكفر احد الشباب اللي الحد احد الشباب اللي قال حدس لا يعترف بوجود الله للكون كان كوييس
والكلام دون هي بدأت القصة كلها بعلاقة مع بنت بس بننظرة محمرة - 00:30:08

حبيتهم وبدأوا يعرفوا بعض. كلموا بعض عن طريق النت. ما كانش يعرف ازاي يعمل شات ولا الكلام ده. علمته وبدأوا يتتكلموا وبدأوا

يتعرفوا. بدأ يخشى على النت. بدأ يتعرف على الموضع. من - 00:30:35
موقع من موقع اباهي الموقع مش عارف ايه لموقع لموقع الحاد الحد كفر الحد كفر. هي دي اللعنة بقى. هي دي اللعنة التي اسأل الله عز وجل الا يكتبها على احد منا. فكان - 00:30:45

ابن زيد رحمة الله عليه يقول ليست اللعنة بسود في الوجه مش ان وشك بيقى اسود ولكن اللعنة الا تخرج من ذنب الا وقد دخلت فيه اخر. ومشكلة دي يا اخوانى ان هي بتسلمنا لعقوبة اخرى. انت ملاحظين - 00:31:03
العقوبات كلها عمالة تسلم لبعضها كده. ساب الطاعة فقد حلاوة الطاعة. سب مش عارف ايه. واخدin بالنا الى ان يصل بالله اللعنة دي تفضل ماشية معه كده خطوة بخطوة. خطوة في خطوة لحد ما تظهر صورة وحقيقة هذه اللعنة مع اخر - 00:31:22
له في الدنيا وهنا تظهر بقى سوء هذه اللعنة لما تظهر عليه وهو يحضر. لما تظهر عليه وهو يموت. ما انا قلت لك هي المشكلة هيفضل الذنب ده يسلم لآخر. والذنب - 00:31:42

الاخير ده يسلم للي اكبر والذنب ده يسلم للي اكبر ايه ما هو ازا ما وصلش للكفر يوصل للموت وهو على الكبيرة ما يعرفش يسيبها ولا يعرف يتوب منها وهذا هو قول الله عز وجل بلى من كسب سينة واحاطته به خطيبته. فاولنك - 00:31:59
اصحاب النار معنى احاطت به خطيبته قال رباع ابن خثيم رحمة الله عليه يموت على ذنبه ولم يتتب منه يموت على ذنبه ولم يتتب منه. وقال الاعمش مات على ذنبه - 00:32:19

مات على ذنبه. هي دي اللعنة بقى. ودي اللعنة في اسوأ صورها. ان الذنب ده يسلمك لذنب سلمت اللي اكبر للي اكبر للي اكبر لحد ما يصل العبد والعياذ بالله للحظة يرجو فيها ان يتكلم بكلمة التوحيد - 00:32:37
ويحال بينه وبين هذه الكلمة ليه؟ ذنبه احاط بيه يعني كتفه. ذنبه كتفه. كتف بس مش يكتفى بقى الاعضاء اه ده كتف القلب. كتف القلب. القلب اتكتف عايز نقول له قل لا الله الا الله مش عارف. مش قادر يقولها اصلا - 00:32:57

طب طوب من الزنب الفلاني انا مش عايز اتوب. مش عارف اتوب. وهي دي المشكلة هو ده المعنى يا اخوانى اللي لازم نفهمه كوييس جدا. ان اللعنة يا اخوانى مش سود في الوجه. ودي من رحمة ربنا بنا. والا والله لافتضنا - 00:33:16
ولكن اللعنة انك تسيب الذنب ده قبل ما تسيبه تلاقي نفسك اتسلمت لزنب تاني. اتسلمت لزنب تالت. اتسلمت لزنب رابع قل هذه هي الحياة لحد ما يأتي بقى ايه اللي كان ابن القيم بيقول عليه ورب جرح وقع في مقتل ان الذنب ده يظل العبد عليه لحد ما يبجي - 00:33:33

الدنيا لا يفارق الا على هذا الذنب. من منكم يتحمل مين فيكم يتحمل مين فيينا انه يكون يتتحمل ان ده يكون حاله في يوم من الايام ولربما كان انفجار الذنب ده يا اخوانى - 00:33:53

في مصائب تتواتى على الانسان ممكن بسبب ذنب ومعصيتي لا تزال كده المصائب تتواتى على الانسان مصيبة في مصيبة في مصيبة ربنا سبحانه وتعالى يقول في كتابه وما اصابكم من مصيبة فيما - 00:34:14
فيما كسبت ايديكم ولان ربنا كريم ولان ربنا سبحانه وتعالى رحيم قال ويعفو عن كثير لأن ربنا لو اخذنا على كل حاجة احنا بنعملها ما ترك على ظهرها من داب - 00:34:36

تخيل ان النهاردة ربنا حكم بقى عدل. تخيل ان ربنا النهاردة هيعاملك بعدله سبحانه. كل اما هتعمل حاجة تحصل لك مشكلة مين هيقدر على كده مين هيقدر على كده ان كل ذنب تحصل لك مصيبة. يعني اذنبت في اليوم عشرين ذنب تتواتى عليك عشرين مصيبة في اليوم. مين فيينا يتحمل ده - 00:34:55

تخيل بقى عشان كده انا باقول لك كان ابن القيم رحمة الله عليه بيقول يعني الانسان اللي اذنب فلينظر الى تعامل الله معه يشوف ربنا ازاي بيعامل معه خدوا بالكم يا اخوانى من المعانى دي. ومن الامور اللي ممكن الذنب لما بينفجر بينفجر فيها ينفجر ان ربنا يرفع ستره عنك - 00:35:20

عارف يعني ايه ؟ عارفين يا اخوانى ان ممكن الانسان مننا يعصي بس الحمد لله ربنا سبحانه وتعالى ساتره ويعصي كمان مرة وبرضو

ربنا ساتره. ويعصي الثالثة وبرضه ربنا ساتره. علشان الانسان يكون عنده دم وينظر - 00:35:43

الى ستر الله عليه فيقولوا خلاص بقى ما عدش ينفع بقى. ما عدش ينفع كده. تب احسن ارجع لربنا احسن لا لا فيه ناس فيه ناس
بتفضل بقى على الذنوب ذنب في الثاني في الثالث في الرابع متزوج. متزوج متزوج ومحبى على مرانه - 00:36:04

وهو بيكلم واحدة واول ما بيجي يراجع البيت بقى كده ايه يقوم داخل على سجل المكالمات يقوم ماسح كل السجلات. عارف ان زوجته كده دماغها دي جباره على النت بعد ما يعمل اللي هو عايزه على النت يخش على الهيستور يمسح كل اللي دخل عليه -
00:36:21

المرة الاولى هيستتر المرة الثانية هيستتر والمرة الثالثة هيستتر بس بعد كده بتكون النتيجة ان ربنا بيرفع الستر عنه. فيفضح على رؤوس الناس. بتتفضح بيتفضح تبقى الفضيحة على كل البشر الكل بيسمع عن فضيحته - 00:36:38

سبحانك يا رب سبحانك يا رب! هي دي مشكلة الذنب. هي دي مشكلة الذنب. انا يمكن ذكرتني قبل ذلك موقف ذكره الحافظ ابن رجب اعiede لكم تاني واساس اساس في الموضوع ده - 00:37:02

يا اخواني الحافظ ابن رجب كان بيقول ان كان في واحد في المدينة غشاش بيغش الفلوس بيغش الدرادهم. فمر ذات يوم من على اطفال يلعبون. ده واحد بيغش الفلوس هيبقى قدام الناس ولا في الخفاء؟ في السر ما حدش شايشه - 00:37:17

فمر على اطفال صغار يلعبون فاذا بواحد منهم يقول اوسعوا الطريق لغااش الدرادهم. وسع يا عم للراجل الحرامي وقال سبحانك ما اعظمك اعصيك سرا فتفضحي حتى عند الصبيان حتى عند العيال الصغيرة اتفضحت - 00:37:36

كان احدهم يقول قلت والله لاصلين في بيت الله الحرام صلاة يتحدى الخلق بها. انا بقى هاروح مسجد حرام كده اصلی الصلاة الناس كلها تشوف الصلاة دي وتقول يا فلان العابد - 00:38:01

فوالله ما بدأت ما بدأت في الصلاة ولا يمر علي احد الا وهو يقول انظروا الى هذا المرائي لا الله الا الله. انظروا الى هذا يا جماعة هو حد شاف نيته - 00:38:17

حد شاف نيته؟ المسألة مش كده يا اخواني. لكن هي المسألة كلها ان ستر ربنا عنه اترفع بس يا رب يكون الانسان مننا عاقل زي الرجال ده. لما وجد ذلك قال فوالله بكيت. ثم قلت في نفسي والله - 00:38:34

والله لاصلين صلاة يرضى الله بها عنى فكان لا يمر علي احد الا ويقول نحسبه مخلصا والله حسيبه نحسبه مخلصا والله حسيبه خدوا بالكم يا اخواني بعض الناس بيظل على معاصريه وذنبوه في الدنيا والستر قائم - 00:38:53

الست المترفعش بس دي مش علامة كويسة بس دي مش علامة كويسة لان الستر اذا لم يرفع في الدنيا رفع في الآخرة وهتك عندها الستر قال ربنا عز وجل يوم تبلى السرائر - 00:39:20

عارف يعني ايه توبل الصوارئ تظهر تظهر للناس انا يا اخواني انا اخاطب الان نفسي هل انا الان اقدر اتحمل ان انا اقف بين ايدين النبي صلى الله عليه وسلم يوم القيمة - 00:39:44

والافلام اللي انا اتفرجت عليها قدامي كده بيني وبين النبي هالمعاصي السر اللي الانسان مننا بيقع فيها هل هيتحمل ان المعاشي دي تظهر يوم القيمة؟ وواقف بين ايدين النبي، وواقف بين ايدين ربنا - 00:40:06

قال الله عز وجل يومئذ تعرضونها لا تخفي منكم خافية فكل امر خفي انت عملته وتجرأت على الله عز وجل به اصبح ظاهرا لكل احد فعشان كده دي فضيحة - 00:40:26

دي فضيحة ومش اي فضيحة لان الفضيحة دي يا اخواني مش ه تكون على قد اهل البيت عندي يعرفوا ان انا عصيت ربنا ولا ه تكون اصلا قصاد الناس اللي في الشارع - 00:40:47

لا ده ه تكون قصاد كل الامم سوعتي ستظهر امام كل الانبياء والمرسلين بل والله يا اخواني يا حسرة قلبي اذا قال ربى عز وجل انت ازاي تجرأت على هذه المعصية - 00:41:06

يا حسرة قلبي اذا قال الله عز وجل لي لم جعلتنى اهون الناظرين اليك هي دي الحسبة هي دي الحسبة اللي ربنا سبحانه وتعالى

عاناها بقوله و قالوا يا ويلتنا يا ويلتنا - 00:41:28

الهذا الكتاب لا يغادر صفيحة ولا كبيرة الا احصاها. ووجدوا ما عملوا حاضرا ولا يظلم ربك احدا. انت حمل ان ربنا يوم القيمة يقول لك لما جعلتني اهون الناظرين اليك؟ حد دخل الاوضة - 00:41:49

فقمت مغير الصفحة بسرعة انت حملها. ان ربنا يقول لك انت خفت ان الناس وما خفت مني انت جعلتني اهون الناظرين اليك. احنا مش حمل ده يا اخواني. احنا مش حمل ان ربنا يرفع عنا ستره - 00:42:09

مش حمل ان ربنا يعاملنا بخفي مطلع علينا من ذنبينا واسرارنا. احنا مش حمل ده ودي يا اخواني من اسوأ عقوبات الذنب ان ربنا يرفع ستره عنك فتفضح ان ربنا يرفع ستره عنك. فتفضح في الدنيا وتفضح في الآخرة - 00:42:26

ومن عقوبات الذنب ومن عقوبات الذنب ممکن الذنب احنا شبهنا الان ان الذنب دي عبارة عن حق الالغام. انت ما تعرفش الذنب ممکن ينفجر في ايه؟ ممکن يا الذنب لما ينفجر فينفجر ان ربنا يسلط عليك من يهينك - 00:42:51

ان ربنا يسلط عليك من يهينك تروح الشغل تلاقي المدير ربنا سلطه عليك اهانك. تبقى ماشي في الشارع تلاقي عيل ما يسواش تلاقيه يطول لسانه عليك وشتمك واهانك انك ما اخطأتاش. انت ما عملتلوش حاجة - 00:43:11

كان الحسن رحمة الله عليه يقول وما استخف قوم بحق الله الا سلط الله عليهم من يستخف بحقوقهم شف الاصل ده تلاقي من ضمن المدرج كله الدكتور نادى لك وشتمك واهانك قدام الكل - 00:43:34

ليه ازا كنت متزوج تلاقي ربنا سلط عليك زوجتك اهانتك مسلط عليك اولادك اهانوك. او تلاقي واحد صاحبك بتحبه جدا وبيحبك جدا. ومرة واحدة تلاقيه اتقلب عليك. ايه ده هو فيه ايه - 00:43:57

ايه اللي حصل؟ راجع نفسك ده فيه ذنب كان احدهم يقول انني لاعصي الله فارى ذلك في خلق زوجتي واولادي ودابتي لما الحاجاج ابن يوسف التقي بيقتل الناس ويهدل الناس ويرمي الناس في السجون ويعدب بهدل الدنيا الحاجاج - 00:44:14

روحوا للحسن بيقولوا له الحاجاج نخرج عليه بالسيف راجل فاهم الرجل عارف هو ليه الحاجاج بيسلط عليهم على اهل العراق في هذا الوقت؟ معروف ان هم اهل فتن يقول - 00:44:43

الحجاج عقوبة الله لكم فلا تستقبلوا عقوبة الله بالسيف ولكن استقبلوها بالتوبه والانابة لا يا حبيبي هتخرج على الحاجاج هيجي لك افطع من الحاجاج واظلم من الحاجاج. المشكلة مش في الحاجاج المشكلة عندك انت. راجع نفسك - 00:45:03

راجعت نفسك وزيطت حالك مع ربنا سبحانه الله. الله سبحانه يا اخواني مش النبي قال لنا كده. عند ابن ماجة من حديث ابن عمر ان النبي صلى الله عليه وسلم قال - 00:45:24

قال وما طفف قوم المكيال والميزان. الشعب غشاش. كله بيغش بعضه. اللي عنده عربيات بيعيها بيغش الناس ببيع النية سليمة وهي مدغدة بيبيع على النية بيقول له فابريكة وهي راشة جوة او راشة برة كده - 00:45:34

في الاسواق غشاشين. في القماش غشاشين. في مش عارف ايه غشاشين. الناس بتغش. كل السلع ناس بتغش. اه شف النبي بيقول ايه. وما طفر قوم المكيال والميزان الا الا ابتلاهم الله بالسنين وجور السلطان عليهم - 00:45:52

الا ابتلاهم الله بالسنين وجور السلطان عليهم. السلطان يبقى ظالم السلطان يبقى ظالم فتلاقي ربنا سبحانه وتعالى يسلط عليك واحد يهينك. جاء جاء رجل الى الحسن. شوفوا يا جماعة مدرسة الحسن القائمة على مدرسة التزكية. اللي قائمة - 00:46:11

خد بالك من الذنب. الذنب ده ما بيعديش. لأن فيه قانون. القانون ده ربنا بيقول من يعمل سوءا ها اه لازم تتجازى به فجاءه رجل قال يا ابا سعيد بيقول حسن البصري يا ابا سعيد جئت اشكوك اليك ولدي. ابني لحمي ودمي - 00:46:29

جئت اشكوك اليك ولدي فقال له اعلم انه ما سلط عليك الا بذنب اذنبيه وانما هو استعتاب من الله لك وانما هو شيء يراد به انت ده ربنا بيعاتبك بس. ده ربنا سبحانه وتعالى بيعاتبك عتاب بسيط في صورة ابنك - 00:46:50

بيعاتبك عتاب بسيط في صورة ابنك سبحانه الله يخرج بيص كده في وجوه الناس يحس الناس كلها غضبانة منه ومتضايقه منه ومتش طايقه ولا طايقة تشوفه كما كان بعضهم بعض السلف يقول اظنه ابو الدرداء رضي الله عنه يقول وان الرجل ليعصي الله عز

وجل فيلقي الله بغضه في - 00:47:24

قلوب الخلق فيلقي الله بغضه في قلوب الخلق كل اما حد يقابلها مش طايق يبص في وشه واللي يبص في وشه يقول انا يعني اتهببت واصطبحت بوش مين النهاردة ؟ لا وش سعادتك. لو بتعصي الله سبحانه وتعالى. ليه ؟ ده ليه ؟ يا - 00:47:49

اخواني من يهن الله فما له من مكرم هو كده. يا اخواني ده على سبيل الافراد وعلى سبيل المجتمعات وعلى سبيل الامم. الامم ما بتتهاش هي اللي ما تكون هي اللي اهنت نفسها الاول - 00:48:10

قوم عادوا قوم لوط وقوم هود كل الامم دي عصت ربنا فربنا سلط عليها العذاب. سواء عذاب من عند الله عز وجل او اوعى جت في سورة اشخاص. بنو اسرائيل هو ليه ربنا سلط عليهم باختناصر كل اما يشوف حد منهم يدبحه وطردهم من الارض المقدسة للعراق - 00:48:27

في ليه عقوبة من الله سبحانه وتعالى لهم. عقوبة من الله سبحانه وتعالى لهم. يا اخواني يحضرني الان حديث جبير بن نفيس. قال لما فتحنا قبرص لما فتح الله علينا قبرص - 00:48:47

اخذ ابو الدرداء رضي الله عنه جانبا بيكي. تخيل مسلا يوم ستة اكتوبر مسلا ثلاثة وسبعين الناس كلها فرحانة وبترقص بالعبور والمصر والكلام واحد واحد جنبي عمال يعيط. متخيل المشهد ده - 00:49:03

متخيل المشهد ده بيقول فوجدت ابي الدرداء رضي الله عنه صاحب النبي واحد مكان عمال يعيط فذهبت اليه وقلت له يا ابا الدرداء يا صاحب النبي صلى الله عليه وسلم تبكي - 00:49:18

في يوم اعز الله فيه الاسلام واهله واذل فيه الكفر واهله فازداد بكاؤه ثم قال ماء الخلق على الله اذا هم عصوا امره ما اهون الخلق على الله اذا هم عصوا امره بينما هم امة عزيزة فانظر الى - 00:49:32

اي شيء صاروا شف دي امة كانت عزيزة ازاي ؟ علشان كده آآ يعني يوم سقوط مبارك انا بكأ شديد جدا. فاخ بيقول يا ابني انت بتعيط على ظالم ربنا نهى ظلمه؟ تقول له لا المسألة مش كده خالص. والله المسألة مش كده خالص. ولكن انا انظر الى تعامل الله عز - 00:49:57

اللي معه من ظلم. انا شف ده انسان ظلمه وعمل وسوى. المسجد ده كان شاهد ايه اللي كان بيحصل فيه. قلت سبحان الله! بعد الظلم ده شف شف سبحان الله! ايه اللي حصل؟ هو هنا البكاء بقى لما تنظر الى تعامل الله مع من اذنب. ممكن اكون انا اللي اكون في هذا الحال لان انا كنت ظالم - 00:50:17

اذا ظلمت ممكن يكون ده حالك وده مصيرك. هي قاعدة يا اخواني ما اهون الخلق على الله اذا هم عصوا امره لما تكون الام عزيزة وتذل اعرف ان هي غيرت وبدلت - 00:50:38

اصحاب الجنة معهم جنة. فيها ماء يعني ما يشتئي. وفي لحظة فاصبحت كسارين خشب محروق. ما اهون الخلق الله! اذا هم عصوا امرا. قارون مال وجاه وثراء انما اوتيته على علم. في لحظة ما اهون الخلق على الله. اذا هم عصوا امره. فرعون اليهس - 00:50:54

مصر وهذه الانهار تجي من تحتي. ما اهون الخلق على الله! اذا هم عصوا امره. مسلة مشهورة مشهورة جدا اجنبية ومشهورة واتكرمت والكلام ده وكانت بتتباس من كل حد وفي لحظة سرطان. آآ شلة الثدي - 00:51:14

ضاعت ضاعت ما اهون الخلق على الله؟ اذا هم عصوا امر فين جمالك يا حلوة؟ فين جمالك يا فنانة يا عظيمة؟ فين رحت فين ؟ فين جمالك؟ وفين الفنانة اللي كانت قالبة الدنيا اغراء وكانت متربيعة على عرش الاغراء في مصر؟ انتحرت - 00:51:34

ما اهون الخلق على الله؟ اذا هم عصوا امره. فين؟ افهموها كوييس يا شباب. انت بتعصي ربنا هتكون هيدين اوبي عند ربنا. هتهون قوي على ربنا. وساعتها والله لن تجد من يكرمك. والله لن تجد من يكرمك - 00:51:53

خلاص ما اهون الخلق على الله اذا هم عصوا امرا من عقوباتها محو البركة ممكن الانسان مننا ان شاء الله ربنا يوسع عليه. واعطوا له المال ممكن يكون دخله في الشهر مسلا ثلاث اربع خمس ست الاف جنيه - 00:52:13

واحد بالك؟ ولكن تلاقيه من يوم عشرة في الشهر بيمد ديه للناس يا ابني ده انت بتاخذ خمس ست الاف جنيه في الشهر ده الشقة

بتابعة ابوك انت ما بتدفععش ايجارات - 00:52:39

راجع من راجع بالعربية من الشغل واحد كده ربنا صلاته عليه قبضته العربية وجري. لا لا لا. ده وهو والعربية راكنة تحت البيت جه عيل خبطها له خبطة كسرها له وجري. ينزل يصف في القصة دي كزا - 00:52:57

آآ يومين ثلاثة وتلاقي ابنه تعب. يروح يصرف عليه قد كده كشوفات وادوية. يومين ثلاثة وزوجته انا عايزه عايزه عايزه شوية حاجات كده ايه ده محق البركة. تلاقي البركة ربنا بيمحيها من حياته. لا يجد طعم البركة في اي شيء. قال الله عز وجل وان لو - 00:53:16

اقاموا على الطريقة هه لاسقيناهم ماء ايه؟ غدقا. ولو ان اهل القرى امنوا واتقوا لفتحنا عليهم ايه برکات جمع من السماء والارض. برکات من فوق وبرکات من تحت. ولو انهم اقاموا التوراة - 00:53:38

انجيل وانزل اليهم من ربهم لاكلوا منه. اهو من تحتي ارجلهم فوق وتحت اكل من حيث لا تدري. الرزق وافر. خد يا عم خدي يا عم مش النهاردة اتبني السد ضاع في المایة وكل سنة وانتم طيبين. يا جماعة ده دي محق برقات. دي برکات ربنا اداها لنا - 00:53:58
من ايدينا. قبل ما ننص مين المسئول؟ بصوا الاول على انفسكم. احنا لحد امتنى هنرمي الحمل على غيرنا؟ انت المسؤول. ممكن انت بسبب ذنب في السر ربنا حرمنا ممكنا الامة كلها لما اتجمعت على زنوب السر كلنا اتحرمنا. هي القصة كده - 00:54:18
من اجل ذلك كان آآ يروي كما روی الامام احمد في الزهد الاثر الرائع الجميل ان الله عز وجل يقول اني انا الله اني انا الله اذا رضيت بارکت اني انا الله اذا رضيت بارکت وليس لبرکتي منتهي. تلاقي البركة مش تصيبك - 00:54:34

انت ده تصيبك انت والجيل اللي بعدك والجيل اللي بعدك ابنك واحفيتك وابن حفيتك وحفيد حفيتك وبركة الله ليس لها منتهي. تلاقي برکة في الصحة وبرکة الالواح وبرکة في الزوجة وبرکة في المال. برکة في كل حاجة - 00:54:54

والله تلاقي برکة في كل حاجة. لدرجة ان تلاقي بعضهم يقول لك يا عم ده لو باع التراب هيكتب دهب شوفوا يا جماعة احفظوا الكلام ده. يقول الله عز وجل في الاثر اني انا الله - 00:55:09

اذا رضيت بارکت وليس لبرکته منتهي. واذا غضبت لعنت ولعنتي تبلغ السابع من الولد قوانين قوانين الله في الكون نعيد الافور ده تاني. الامام احمد رواه في كتابه الزهد ان الله عز وجل يقول اني انا الله اذا رضيت بارکت - 00:55:24

وبرکته ليست لها منتهي. خد بالك ما قالش زي الجزء الاخير للولد السابع. لا ليس لها منتهي. ده تفضل البرکات دي موجودة ومستمرة تلاقي سبحان الله برکة لك وانت بتحفظ القرآن - 00:55:54

تلاقي سبحان الله تصلي ركعتين كده تحس تشعر فيها بالبرکة كده. برکة الخشوع وبرکة الاقبال على الله. تلاقيك سبحان الله بتذكر ربنا تشعر ببرکة في الذكر تلاقيك سبحان كل حياتك بقت برکة. وما لهاش منتهي وليس لبرکتي منتهي. واذا غضبت - 00:56:08
عنك واذا غضبت لعنت ولعنتي تبلغ السابع من الولد. اخواني قوانين قوانين تحفظ كده يا اخواني تحفظ في القلوب. القوانين دي تحفظ في القلوب. اختم معكم بقصة بسيطة كده. لان ده كان المراد من درس النهاردة - 00:56:28

انا عايز اغرس جواك معنى ده انا عايزه يكبر جوة. آآآ الاب في يوم كان فلاج. فالولد شاف ان الاب جايب والفوهة بتاعة الازاذه رفيعة اووي. وجوة الازاذه برتقانة. برتقانة كبيرة. فالولد يتعجب يقول لابوه انت ازي البرتقان - 00:56:48

دي دخلت في الازاذه والفوهة بتاعة الازاذه رفيعة جدا ده ما تدخلش فص عارفين الاب قال له ايه قال له اول ما كانت البرتقانة دي عباره عن حباية صغيرة قد كده اول ما بدأ تطلع. قمت مدخل فيها جواها كده مدخل جوة الغصن - 00:57:08

ازاذه فبدأت البرتقانة سهل جدا ان هي تخش وفضت للبرتقانة جوة الازاذه تكبر تكبر تكبر لحد ما بقت بالحجم ده بعد كده قطفتها من على الشجرة الاب حب يوصل لابنه معنى - 00:57:28

خلي الازاذه دي قلبك. اغرس فيها المعنى الصغير ده. ومع مرور الايام المعنى ده بيكبر بيكبر ويبيقى صعب اووي ان المعنى ده يخرج منك. انك من وانت صغير اتربيت جوة هنا في امانة ان شاء الله لما تكبر لو - 00:57:45

قضت عليك كنوز الارض حرام تقول لأنما يكون موجود جوة قلبك ان الذنب ده هو عباره عن قنبلة موقوتة ممكنا تنفجر فيك في اي

لحظة لما دي تتغرس في قلبك بعد كده لما تفضل المعنى ده - 00:58:05

يكبر يكبر يكبر في حياتك بعد كده لو اتعرض عليك اجمل نساء الارض والله انت شايفها قدامك كانها جرو صغير كلب صغير. ولا تحرك فيك شعرة عرفتم ليه يا اخواني عرفتم ايه الفرق بینا وبين زمان - 00:58:18

ان النبي كان حريص على المعاني دي اللي احنا ما عدناش بنسمعها. احذر ذنبك. داخل مدرسة التزكية بتاعة الحسن البصري. ما شاء الله - 00:58:35